

VENDIM
Nr. 115, datë 3.4.2013

MBI VLEFISHMËRINË E LICENCËS SË SUBJEKTIT TELEVIZIV VENDOR
“TV ARV”

Këshilli Kombëtar i Radios dhe Televizionit, i përbërë nga:

Endirë Bushati	kryetare
Sami Nezaj	zëvendëskryetar
Suela Mustaj	anëtare
Gent Ibrahim	anëtar
Zylyftar Bregu	anëtar

pasi mori në shqyrtim çështjen me:

OBJEKT: Mbi vlefshmërinë e licencës së subjektit televiziv privat vendor “TV ARV”.

BAZA LIGJORE: Neni 7 pika 21, neni 33 pika 5 të ligjit nr. 8410, datë 30.9.1998 “Për radion dhe televizionin publik e privat në Republikën e Shqipërisë”, të ndryshuar.

Këshilli Kombëtar i Radios dhe Televizionit,

VËREN SE:

Me vendimin nr. 22/8, datë 23.10.2000, KKRT-ja ka licencuar shoqërinë “George” sh.p.k., për subjektin televiziv privat vendor “TV ARV”, duke e autorizuar të funksionojë si operator televiziv privat vendor në fushën e transmetimeve televizive analoge për të mbuluar me sinjal rrethin Pogradec.

KKRT-ja konstaton se subjekti televiziv “TV ARV” nuk ka shlyer detyrimet financiare, pagesë vjetore për licencë dhe taksën për shërbimet rtv, pavarësisht njoftimeve të herëpashershme nga KKRT-ja.

Kështu, KKRT-ja me shkresat nr. 800 prot., datë 29.4.2011 dhe nr. 286 prot., datë 23.2.2012, por pavarësisht këtyre njoftimeve, subjekti vazhdon të jetë debitor ndaj KKRT-së, në masën 216.000 lekë, ndërsa ndaj Buxhetit të Shtetit në masën 111.600 lekë. Vlera totale e detyrimit financiar është 327.600 lekë.

Me vendimin nr. 29, datë 1.2.2013, KKRT-ja ka vendosur të njoftojë subjektin televiziv privat vendor “TV ARV” për fillimin e procedurave për heqjen e licencës për shkak të mosshlyerjes së detyrimeve financiare, pagesës vjetore për licencë dhe taksës për shërbimet rtv, për vitet 2011 dhe 2012, duke i dhënë mundësinë që brenda 30 ditësh nga momenti i marrjes në dijeni për këtë vendim të parashtronte pretendimet e tij. Rezulton se subjekti nuk ka kthyer përgjigje për vendimin e mësipërm, por as nuk ka shlyer detyrimet financiare ndaj KKRT-së.

Neni 33 i ligjit nr. 8410, datë 30.9.1998 “Për radion dhe televizionin publik e privat në Republikën e Shqipërisë”, të ndryshuar, parashikon se:

“Licenca bëhet e pavlefshme kur:

...

5. kërkuksi nuk realizon detyrimet financiare të parashikuara me ligj pas 90 ditëve nga momenti kur merr dijeni zyrtarisht për miratimin e saj”.

PËR KËTO ARSYE:

Këshilli Kombëtar i Radios dhe Televizionit, në mbështetje të nenit 7 pika 21, nenit 33 pika 5 të ligjit nr. 8410, datë 30.9.1998 “Për radion dhe televizionin publik e privat në Republikën e Shqipërisë”, të ndryshuar,

VENDOSI:

1. Të bëjë të pavlefshme licencën nr. 008/FML të subjektit televiziv privat vendor “TV ARV”.
2. Subjekti sipas pikës 1 të ndërpresë menjëherë transmetimin.

3. Ngarkohet administrata e KKRT-së për zbatimin e këtij vendimi.
 4. Kundër këtij vendimi mund të bëhet ankim në gjykatë brenda 30 ditësh nga marrja dijeni, në përputhje me Kodin e Procedurës Civile, kreu “Gjykimi i mosmarrëveshjeve administrative”.
- Ky vendim hyn në fuqi pas botimit në Fletoren Zyrtare.

KRYETARE
Endirë Bushati